








456-1887

Cc4-b 13








~~C. c. 28~~

Fl. b - 42



Digitized by the Internet Archive  
in 2015

<https://archive.org/details/b24918428>









TENTAMEN PHYSIOLOGICUM  
INAUGURALE,  
DE  
*ARTERIÆ SECTÆ CONSECUTIONIBUS;*

QUOD,  
ANNUENTE SUMMO NUMINE,  
Ex Auctoritate Reverendi admodum Viri,  
D. GEORGII BAIRD, SS. T.P.

ACADEMIAE EDINBURGENAE PRAEFECTI;  
NEC NON  
AMPLISSIMI SENATUS ACADEMICI Consensu;  
Et NOBILISSIMAE FACULTATIS MEDICAE Decreto;

**Pro Gradu Doctoris,**

SUMMISQUE IN MEDICINA HONORIBUS AC PRIVILEGIIS  
RITE ET LEGITIME CONSEQUENDIS;

Eruditorum examini subjicit

J. F. D. JONES,

BARBADENSIS;

CHIRURG. COLLEG. LOND. SOC.  
SOCIET. REG. MED. EDIN. PRÆS ANNUUS,  
SOCIET. NATUR. STUD. EDIN.  
ET SOCIET. PHYSIC. LOND. SOCIUS.

Ad Diem 24 Junii, horâ locoque solitis.

---

*Hoc facillime dubium ex anatomicis principiis encoditur, quibus docemur, naturam in vasorum distributione non statui dumtaxat naturali, atque incolumi, sed vel morboſo opportune, ac divina plane ratione conſuluiſſe*

LANCISIUS DE ANEURYSMATIBUS.

---

EDINBURGI:  
EXCUDEBANT C. STEWART ET SOCIJ,  
ACADEMIÆ TYPOGRAPHI.

1803.



PATRI BENEVOLO,

JOSEPHO JONES,

BARBADÆ,

MEDICINAM FACIENTI,

CUJUS

AMICITIAM POTIUS QUAM AUCTORITATEM

A PUERILIBUS ANNIS

EXPERTUS EST;

HAS STUDIORUM PRIMITIAS,

PIETATIS ERGO,

CONSECRAT

J. F. D. JONES.



J. F. D. JONES,

AMICO SUO EXIMIO,

JOANNI RICHARDO FARRE, A.M. M.D.

LONDINI.

*OPUSCULUM* hocce, quod sentio quam sit exiguum, tibi, vir amicissime, sacrum esse volo. *Ad* hoc, non solum amicitia, sed tua in omni medicinæ parte scientia, atque animi benevolentia et humanitas me adducunt.—In studiis præceptorem,—in rebus arduis monitorem,—et in omnibus amicum te semper habui.—En igitur has studiorum primitias tibi ex intimo corde devotas ! Respice non tam oblatum quam offerentis animum ! Et dum observantiæ hoc pignus utut leve accipias, tua opinione mihi tam dilecta, posthac me censeas non indignum.—*Vale.*

VIRO REVERENDO,

JOANNI FRERE PILGRIM,

BARBADÆ;

PIETATE,

LITTERIS HUMANIORIBUS,

ET MORUM SUAVITATE,

INSIGNI:

HOCCE TENTAMEN

AMICITIÆ ET OBSERVANTIÆ

PEREXIGUUM TESTIMONIUM

OFFERT

J. F. D. JONES.

## ARGUMENTUM.

---

	PAG.
De Arteriarum structura, - - - - -	2
—————actione, - - - - -	10
De iis, ex quibus arteriarum actionis natura, præcipuè dijudicari debet, - - - - -	16
Ex iis, consecrarium, - - - - -	20
Quædam, sententiam adoptatam confirmantes, - - -	22
De diversa arteriarum <i>tunicarum</i> distributione, - - -	25
Earum enumeratio, quæ successui experimentorum in- stitutorum ad vim arteriarum musculosam confirman- dam, obstant, - - - - -	28
De fibrarum natura, tunicæ mediæ arteriarum, - - -	30
De Hæmorrhagia, - - - - -	31
De doctrina D. Petit, - - - - -	32
————— D. Morand, - - - - -	34
————— D. Pouteau, - - - - -	35
————— Dm. Gooch et Kirkland et White, - - -	37
————— D. J. Bell, - - - - -	38
Experimentum	



	PAG.
Experimentum primum et secundum, - - - - -	43
----- tertium, - - - - -	45
----- quartum, - - - - -	47
----- quintum, - - - - -	49
----- sextum, - - - - -	51
----- septimum †, - - - - -	53
----- octavum, - - - - -	55
----- nonum, - - - - -	59
----- decimum, - - - - -	62
----- undecimum, - - - - -	65
----- duodecimum, - - - - -	68
----- decimum tertium, - - - - -	70
Conseſtarium ab experimentis, vel de processu naturali	
quo hæmorrhagia sistitur, - - - - -	72
De mutationibus quas arteria sec̄ta subit, - - - - -	77
De mutationibus quas ramusculi arteriæ sec̄tæ subeunt, - - - - -	79
Conclusio, - - - - -	80

† Hoc experimentum post octavum, et nonum locatum fuisse debet.

“ S’il est une occasion dans laquelle la Chirurgie soit plus utile que dans une autre, c’est lorsqu’il s’agit d’arrêter le sang qui coule abondamment par l’ouverture d’un vaisseau considérable ; mais s’il est un cas qui exige plus particulièrement ce secours du chirurgien, c’est lorsque faisant quelque opération, il coupe lui même un vaisseau par nécessité, ou par inadvertance.—Quelle peine, quelle mortification, de voir un blessé perdre la vie avec son sang ! C’est là qu’un chirurgien, quoique touché d’un état si déplorable, doit, sans se troubler, rassembler dans l’instant les secours les plus surs et les plus prompts.”

Petit.—Memoires de l’Academie Royale  
des Sciences.

Mr J Thomson  
From his sincere  
& much obliged friend  
J. F. D. Jones

DISSERTATIO INAUGURALIS,

DE

*ARTERIÆ SECTÆ CONSEQU-  
TIONIBUS.*



PROŒMIUM.

CUJUSVIS actionum corporis humani investigatio, menti magno oblectamento atque fructui non esse vix potest; hoc autem de generis sanguiferi consideratione optimo jure affirmandum; utrùm rem aggredimur spe corporis scientiæ aliquid adjiciendi, vel ei incumbere inducimur, expectatione tractationem hætenùs adhibitam confirmandi vel augendi. Quamvis enim indagatio nostra spem destitueret, veruntamen e variorum artificiorum, quibus genus sanguiferum in diversis officiis suis fungendis utitur, contemplatione, saltem multum delectationis, mul-

A

tum



tum voluptatis, oriatur, necesse est : præterea, à generis sanguiferi notitiâ adeò pendent pathologiæ generalis principia ; et talis est morborum ejus natura atque tractatio, ut labores nostri in hujusmodi deceptione nunquam omnino inutiles esse possint. His de causis potissimum adductus hanc rem investigare decrevi : prius autem quam propositum ingrediari, artèriarum structuræ actionisque descriptionem quam brevissimam præmittere mihi liceat.

## CAP. I.

## DE ARTERIARUM STRUCTURA.

Arteriarum structura, quamvis substantiâ, quâ constant, tam simplex appareat, naturamque ejus anatomici celeberrimi diversis temporibus explicare conati sint, hætenùs non ita demonstrata est, ut de eâ nulla adhuc dubitatio apud quosdam scriptores relinquatur : sed, missâ hujusmodi controversiâ, quippe quæ parvi refert, folùm

solum animadvertam, quoniam arteriarum functiones iis peculiares sunt, sic, procul dubio eas structuram sibi propriam possidere; ideoque affirmare, hanc ullius alius corporis partis structuram omnino referre, reprehensione dignum fore. Verum præter hanc controversiam de intimâ earum structurâ, anatomici diversi propter incogitantiam, diversas earum descriptiones in medium protulerant; et iis, tunicarum numerum modo maiorem modo minorem attribuere, prout a diversis corporis partibus earum structuram inspexerunt, vel eam inagis, vel minus accuratè investigarunt. Ab aliis enim *pericardium*, *pleura*, et *peritoneum* inter tunicas earum habita sunt; ab aliis autem existimatum est, eas ferè tot tunicas habere, quot laminas distinctas separare potuerunt. Veruntamen nunc inter plerisque anatomicos convenit, arterias tribus tunicis constare, quæ a variis scriptoribus varie appellatæ sunt. Sic eadem tunica, nervosa, cellularis, elastica, tendinosa, et sic porro, denominata est. Earum  
divisio;

divisio, quam cæteris anteposit celeberrimus Sæmmering, in *exteriolem*, *mediam*, et *interiolem*, paucissimis exceptionibus obnoxia esse videtur; et idcirco, quamvis distingui possent in duas priores, uti arteriis propriis, et posteriorem, uti iis cum sinistro cordis ventriculo communem, in descriptione sequente hujus auctoris nomina adoptare, mihi optimum videtur.

*Tunica arteriarum interior*, non solum continuatur a membranâ \*, quæ sinistri cordis ventriculi superficiem internè obducit, verum etiam ope parvarum duplicationum, in orificiis omnium ramorum sitarum, continuatio ejus, per omnes corporis arterias conservata est; si excipias parvas moleculas eminentes, quas hæ plicæ formant, et quosdam poros minimos, qui secundum ejus superficiem rari disponuntur †; superficies ejus interior ubique lævis atque splendida deprehenditur; pellucida atque fragilis est,

\* Senac. Traité du Cœur.

† Lancisius de Aneurysmatibus, p. 10.



est, quamvis densissima, et aliqua vi resiliendi prædita fit. Ob has proprietates optimè accommodatur sanguinem continendo, et motum ejus expediendo; ad quem quoque effectum præstandum, simul confert fluidus glutinosus quo superficies ejus interna humectatur \*. Structura ejus, quamvis nonnihil peculiaris, membranarum structuræ adeò similis est, ut non rarò tunicæ membranaceæ nomen ei fit inditum. Imo, affirmatum est, eam tunicæ intestinorum villosæ simillimam esse †. Ex inflammatione, quâ corripitur potest, atque ea aliis affectibus quibus patet ‡, eam vascularem esse constat; atque sensu exquisito præditam esse, experimenta a Bichat instituta certo indicio sunt ||.

Tunicæ

\* Ludwig de arteriarum Structura, p. 22.

Laniscius l. c. *Monro on Structure of arteries*, *Edinb. Med. Essays*, Vol. II. p. 235.

† *Monro*, l. c.

‡ *Ibid.*

|| *Anatomie generale*, Tom. II. p. 312.

Tunicæ mediæ firmiter adhæret\* ope interjectæ telæ cellularis, exiguæ tenuisque, in quâ arteriæ ossificatio (quando hæc occurrit,) plerumque oriri observatur.

*Tunica media*, unde arteriæ crassitudo præcipuè pendet, componitur ex multis firmis, densis, carnosis fibris, quæ in stratis disponuntur, aurantiique colorem dilectum exhibent. Hæ fibræ circulares sunt; plerumque autem circulum non complent, verum potiùs sibi invicem more obliquo junctæ et interfertæ apparent. Indole admodùm peculiari esse videntur; formâ et dispositione fibris muscularibus similes sunt†; sed, nisi in his rebus, speciem neque verè muscularem, neque tendinosam, præ se ferunt: insigni vi resiliendi præditæ sunt, sed facilius quam fibræ musculares rumpuntur, plurimis nervis vasisque sanguiferis instruuntur‡.

Stratæ

\* Monro l.c. Ludwig l.c.

† Senac, Traité du Cœur. Tom. I. ch. 9, p. 233.

‡ Sæmmering de Corp. hum. fab. Tom. V. p 56.

Strata interiora exterioribus densiora sunt, quorum multæ fibræ tunicæ externæ adeò firmiter adhærent, ut ab ea proficisci videantur, eodem ferè modo ac fibræ musculares in cæteris corporis partibus.

*Tunica Exterior.* Multis, fatis videtur dicere, hanc tunicam, compositam esse, e tela cellulari, quæ paulatim laxior facta arteriam partibus vicinis adnectit: verum hæc descriptio, naturam ejus veram minimè accuratè exhibet: quamvis enim in telam cellularem, eodem modo ac de cæteris tunicis affirmatum est \*, resolvi possit, tamen fibræ ita inter se invicem connectuntur, ut speciem ejus omnino peculiarem reddant, eamque tunicam reverà distinctam esse ostendant. Textura ejus filamentis constat, adipis prorsus expers est, insigni vi resiliendi gaudere invenitur, et ob firmitudinem, densita-

tem

\* Sæmmering, l. c. p. 56.

\* Fontana, Traité sur le venin, &c. Tom. II. p. 237.

tem, et colorem album conspicua est, undè *nervosa* \* dicta est. Arteriæ robur præcipuè derivatur ab hac tunicâ, quæ ei fasciæ vice quodammodo fungi videtur. Arteriæ, hisce tribus tunicis constantes, laxâ telâ cellulari circumdantur, cujus ope adnectuntur, alio integumento, in corporis cavis formato, *pericardio*, *pleurâ*, vel *peritonæo*; in aliis autem partibus, vaginæ, substantiâ cellulari condensata formatae. Tela cellularis, quæ arterias cum hisce involucris connectit, in variis partibus varie longitudinis est, ideoque arteriæ motum modo majorem, modo minorem, finit. In statu arteriæ sano speciem flocculis nonnihil similem præbet, et, telae cellularis, in aliis corporis partibus instar, interdum adipem comprehendit, atque in *anasarca* vel *emphysematis* exemplis, aqua, vel aëre impletur. Est tunica *cellularis* quorundam scriptorum, et vascularis alio-

\* Albinus Academ. Annot. Tom. I. lib. iv. ch. viij.



aliorum ; quia *vasa vasorum* per eam ramificationes suas distribuere, manifestè observantur, dum tendunt ad arterias ; quibus, quoque sunt, non solum arteriæ suæ atque venæ, verum etiam vasa absorbentia nervique ; ideoque eas, præ his, simili, quâ cæteræ molles corporis partes structurâ præditas esse inferendum.

## CAP. II.

## DE ARTERIARUM ACTIONE.

Ex ante dictis de arteriarum structurâ concludere licet ; quamvis unaquæque tunicarum quoad structuram alicui alii corporis parti respondeat, tamen singulis tunicis proprietates insignes, et illis peculiares esse ; hinc quoque actionem earum conjunctam, peculiarem esse, inferremus : atque forsan ob hujusce rei neglectum, et cupidinem absurdam, omnes effectus, quos edere observantur ad unam tantum earum proprietatum relegandi ; vel etiam sanguinis circuitum, solum uni parti generis sanguiferi attribuendi, jure scriptum est ; “ Lisez tous les auteurs sur la  
“ circulation, vous verrez qu’il n’ est aucun  
“ point plus souvent, et plus longuement traité  
“ que celui du cours du sang arteriel, et que  
“ cependant

“ cependant il n'en est point qui vous laisse  
“ plus de doutes et d'obscurité \*.”

Arteriarum igitur actionem, ad nullam earum, præ cæteris, proprietatum attribuiam, sed potius effectus, quos præstant, recensebo, et deindè, his cum structurâ earum comparatis, quantum hi illam illustrant, et quatenus ab eâ hi explicari possint, colligere conabor.

Quoniam quidam physiologici magni nominis in sanguinis circuitu perficiendo solum cor agere, affirmarunt ; hujusmodi opinionis refutatio actionis arteriarum investigationem prægrediatur, necesse esse videtur.

Verum omnium argumentorum, quæ ad hanc opinionem sustinendam, in medium prolata sunt, plena recensio, omnino supervacanea foret ; quoniam futilitas ejus, vel hinc satis patet, talem opinionem omnino repugnare æquabili sanguinis circuitui, qui perpetuo servatur, ut, et alii rei benè notæ, nempe, arterias  
semper

\* Bérhat Anatomie Generale, tom. II. p. 333.

femper plenas esse, quod, corde sese distendente, fieri non posset, nisi, in hujusmodi cordis statu, dum sanguis in venarum principia propellitur, eum undique comprimerent. Argumenta ab arteriarum ossificatione latè patente desumpta quod attinget: in nullis hujusmodi exemplis ægri absque arteriarum pulsatione fuisse perhibentur, quod, si arteria tam penitus ossæa facta esset ut rigida inersque evaderet, proculdubiò accidisset.

E contrario, hujusmodi exempla, propter manifesta indicia inæqualis, turbati, et *languidi* circuitûs, quibus stipantur, argumenta, quæ huic opinioni validè repugnant, præbere inveniuntur.

Revera, nihil, nisi patrocinium, quo viri clarissimi Haller atque Spallanzani hanc opinionem dignati sunt, hodiè ejus fusiolem tractationem excusaret: verum quando nobiscum reputamus, eam ab observationibus *in parvis arteriis* animalium *sanguinis frigidioris* factis derivatam esse, posteaque generi sanguifero animalium, sanguine calidiore præditorum perperam translatam, (quamvis



(quamvis professi essent, arterias earum sanguinis impetu primum distendi atque elongari, et deinde angustiores brevioresque fieri, ita ut eum ulterius propellerent \*, cordisque actionem promoverent,) his, inquam, perpenſis, auctoritatem, quâ sustinebatur, potiùs mirabimur, quam ipsam opinionem attentione majore dignam habebimus. Quare hanc materiæ partem, verbis elegantissimis et veris quibus celeberrimus Senac de hac re disserens usus est, citatis, ad extremum perducam. “ Il faut que chaque point des  
“ vaisseaux arteriels donne au sang une nouvelle  
“ force, s’ il n’ avait que le mouvement qu’il  
“ reçoit du Cœur, ce mouvement se perdrait  
“ bientôt, et seroit entierement insuffisant.  
“ *Le Cœur* n’est donc qu’ *un premier mobile*, qu’  
“ une cause determinante et conditionelle, qui  
“ met en branle toute la machine; son action  
“ est comme une étincelle qui par la propagation  
“ multiplie le feu, anime les autres parties, et  
“ y entretient le cours de la circulation.”

Quoniam

\* Haller. Element. Physiol. tom. I. lib. iv. sect. 4. § 37.

Quoniam, igitur, pro certo constat, arteriās non esse solūm tubos inertes, verum in sanguinem eas agere, suoque cum cordis opere conjuncto ejusdem circuitum efficere,—actionis earum naturam investigare jam progrediemur:—  
*An ad vim resiliendi solam referenda est, vel naturæ magis complicatæ est?*

Ad hanc litem dirimendam varii investigandi modi adhibiti sunt; sic, nonnulli industriâ atque perseverantiâ vix credibili, metiendi variâ ratione, et calculis subductis, cordis vim renisumque, cui repugnat, colligere annisi sunt. Verum quam inefficax atque fallax hic modus sit, ex discrepantia conclusionum, quas mathematici peritissimi deduxerunt, manifestò apparet.

Genere sanguifero vel obitèr inspecto, observatisque vasorum diametro perpetuò sensimque decrescente, eorum angulis, flexuris, convoluti-  
 onibus, atque anastomosibus ferè innumeris, nobis non persuaderi nequit, rem prorsus impossibilem esse, qualis sit renisus, quem cordi præbent, scire, non solum propter mutationes eo-

rum

rum nunquam desinentes, atque eorum numerum et subtilitatem, verum etiam, quia, ob communicationem atque dispositionem eorum, renifus, quem una pars præbet, ab alia parte oppugnetur, necesse est. Sed quatenus hac fieri possit, nunquam colligere poterimus.

Propter hujus methodi ineptiam, physiologici conati sunt rem elucidare experimentis, quæ tamen eventu sibi invicem adeo repugnarunt, ut, hæc sola rem explicare nequire, argumentum præbeant.

Quamvis persuasum habeam, eventuum discrepantiam, non adeò pendere a rei ipsius ambiguitate, vel obscuritate, ac ab ipsis experimentis, quæ, ob naturam eorum, sæpenumerò necessario fallacia erunt, et ad nullam certam conclusionem ducent; veruntamen non mihi in animo est affirmare, eadem inutilia fuisse; quam enim non omnem dubitationem amoverint, nonnihil lucis secum attulerunt, quæ nobis in conclusionibus nostris deducendis, aliquid auxilii præbere potest.

Adaptatâ

Adaptatâ, igitur, methodo hanc questionem investigandi, quam suprâ proposui, quaedam e præcipuis phænomenis, quæ arteriæ aliter in aliis conditionibus exhibere observantur, jam recensere pergam.

I. Arteriæ, quando earum actio naturalis et sana est, *dilatare, contrahi, elongari, et retrahi* observantur; verum quoniam hæ mutationes se invicem admodum rapidè excipiunt, binæ priores, solum in truncis majoribus, ab oculo percipi possunt.

II. Arteriæ, quando aëri atmosphærico obnoxiaæ fiunt, ambitûs sui diminutionem manifestam subeunt: si arteria modicæ magnitudinis aliquamdiù aëri sic pateat, tubus ejus adè contrahitur, ut vix sanguinis motum liberum finat\*.

III. Quando in operationibus chirurgicis arteriæ parvæ dissecantur, sæpe magnis sanguinis profluviiis originem præbent, quamdiù calidæ  
servantur

\* Hunter on the blood, inflammation, &c.



fervantur pannis vulneri applicatis; verum simul ac aëri exponuntur sanguinem effundere desinunt: atque hos effectus a calore et frigore revera derivandos esse, hinc concluditur, quia, in eodem vulnere sæpe revertuntur, et cum harum potestatum actione vices alternant. Profectò bene notum est, solùm frigoris applicationem sanguinis profluviis a parvis vasis cohibendis sæpè valere; et calorem, præcipuè cum humore junctum, non solùm sanguinis e parte quavis fauciata effusioni favere, verum etiam in partibus non prius fauciatis tali sanguinis effusioni originem præbere posse.

iv. Hæmorrhagiæ sæpe supprimuntur ope frigoris partibus corporis ab affectà dissitis admoti.

v. Interdùm, quoque, subito sunt suppressæ vehementibus animi affectibus.

vi Sæpe arteriæ, mechanicis irritantibus applicatis, sese contrahere visæ sunt \*; his contrac-

C

tionibus

\* Verchuir de arteriarum et venarum vi irritabili.

tionibus tamen plerumque non respondit relaxatio alterna, verum aliquamdiù indefinenter perstiterunt, imo in multis exemplis usque ad animalis interitum. Contractio, quæ etiam post mortem perstitit, observata est in arteriæ caroticæ canis portione, arteriâ hâcce eodem tempore vim galvanicam experiente \*.

VII. Arteriæ, nimirum alicujus magnitudinis, non solum laceratione, sed etiam incisione divisæ, aliquando propriâ actione, ita claudunt canalem eorum, apud partem sectam, ut hæmorrhagiam inde ortam supprimunt †.

VIII. Arteriæ, etiam postquam summam magnitudinem attigerunt, sese accommodant diversis sanguinis quantitibus, quas propter hæmorrhagias fortuitas, vel ob alias causas, animalium corpora diversis temporibus continere solent.

IX. Ar-

\* Vide Experimentum decimum huj. dissert.

† Morgagni de Sed. et Causis, &c. lib. ii. epist. 19. art. 34. Verchuir l. c. Experim. 9.

ix. Arteriæ quoque motu quasi peristaltico affici visæ sunt \*.

x. Arteriarum motus convulsivi, in earum cavitates fluidis irritantibus injectis, excitati sunt †.

xi. Generis sanguiferi actio in quibusdam præ cæteris, partibus interdum augetur, ut in inflammationibus topicis, in sanguinis nimis ad quasdam corporis partes appulsu; et in miro illo morbo cui patent arteriæ minimæ, et qui nuper *aneurysma per anastomosis* nomen adeptus est ‡.

xii. Arteriæ sanguinem, quem continent, in venas propellere possunt, etiam, quando ligaturæ ope, *vis a tergo* privantur.

xiii. Sanguinis circuitus restitit, quamvis cor magnâ ex parte in os mutatum esset ||.

xiv.

\* Sæmmering de Corp. hum. fab. Tom. V.

† Bichat op. cit. p. 341.

‡ J. Bell's Principles of Surgery.

|| Sæmmering op. cit.

XIV. Arteriæ aliter micare in aliis corporis partibus observatæ sunt †.

Quoniam hæc phenomena ab arteriarum actione omnino pendent, natura ejus ex his, magnâ ex parte colligi debet, quoniam ulla ejus explicatio, quæ hæc phenomena exponere nequit, accurata esse non potest. Elasticitatem horum explicationem præbendo inhabilem esse, manifestum est: sic physiologici, qui arteriarum actionem, ad hanc solam relegare conati sunt, vel hoc ingenuè professi sunt \*, vel ad auxilium generis nervosi earum actiones morbidæ explicare ‡, sese contulerunt; unde, concludendum liceret, vel *elasticitatem, vi generis nervosi obnoxiam esse*; vel arteriarum structuram complicatam earum actioni sanæ non necessariam esse, et solum eas morbis subicere. Alterutrius  
harum

† Sæmmering op. cit.

\* Camper Demonstrat. Anatomico Pathologic.

‡ Prochaska, Controversiæ Quæstiones Physiologicæ, Quæst. I. p. 30, 31.

harum consequentiarum, ineptia opinionis, refutatio satis valida esse apparet. Atque profectò hujusmodi opinio nunquàm sustineri potuisset nisi investigando arteriarum actionem uti solùm ad circuitûs conditionem naturalem atque sanam spectante. Et etiam tunc, nec affirmari nec negari potest, quia ignori sumus, quænam vis sanguinis circuitui perficiendo requiratur, quantum robur exerat cor, et qualis sit renifus cui repugnare cogitur. Hinc manifestum apparet, arteriarum actionem elasticitati solæ attribuere, assumptionem esse, etiam quando solùm naturalis et sana circuitûs sanguinis conditio consideratur, et admodum imbecillam esse, vel etiam sibi repugnare, quando plena ejus disquisitio agitur. Si igitur, ad structuram eorum recurrimus, explicationis plenioris cupidi, compertum est, eam maximâ ex parte compositam esse ex *fibris*, quæ densâ membranâ internè obducuntur, atque externè firmâ tunicâ vel fasciâ firmanantur, et plurimis vasis sanguiferis nervisque instruuntur : uno verbo, eam in omni re,

fi



si *colorem* excipias, structuræ cæterarum partium corporis, quæ motum exercent, omnino similem esse, comperimus: harum partium *color*, nullius momenti, quoad earum actionem esse scimus. Quando igitur, phænomena arteriis propria cum earum structura comparamus, hanc muscularem atque irritabilem esse, cur dubitemus vix ulla causa nobis suppetet. Contra, hæ proprietates explicationem actionis generis sanguiferi æque plenam præbent ac notitia nostra legum corporis vivi hodie nos proponere finit.

Haftenùs derivatâ arteriarum naturâ musculari ab earum structurâ et actione, quædam jam subjiciam, quæ hanc opinionem adhuc amplius confirmare videntur, quorum autem de industria, nondum mentionem feci, ne nimis præmatura viderentur.

Atque hæc sunt ea quæ arctam similitudinem, quæ genus sanguiferum inter et musculosum existit demonstrant, propter modum, quo a rebus similibus afficiuntur.

Im-

Imprimis, compertum est, arteriarum actionem auctam, si diuturnior sit, earum magnitudinem eodem modo, quo exercitium musculos, augere, etiamsi partes, per quas ramos distribuunt, non ampliùs crescunt: Hinc, trunco arterioso primario ad quævis extremorum tendente ligato; ideoque ramorum actione aliquamdiu vehementer auctâ rami ipsi haud parum majores fiunt.

Secundo, nimius sanguinis affluxus qui ad quasdam præ cæteris partes interdum occurrit, et qui ab arteriarum irritabilitate morbida pendere videtur, in iis præcipuè accidere observatur, quorum, genus musculosum sub conditione similiter irritabili laborat, ità ut arteriæ fibræ musculares eodem, quo genus musculosum, vitio affici videantur; et porrò, genus sanguiferum, pariter atque musculoum, ad sanitatem iisdem remediis, et eodem tempore, reducuntur.

Tertio, Eadem res quæ musculos, arterias quoque relaxant; hinc anasarca, et aliæ effusions

ones, hæmorrhagiis immodicis aliisque causis debilitantibus sæpe originem suam debent.

Quarto, Ferè semper in mortuis arteriæ fluido vacuæ vel ferè vacuæ inveniuntur, nisi, in exemplis in quibus sanguinis circuitus quodammodo impeditur, vel quando mors ab apoplexiâ vel epilepsiâ profecta est : \* hæc exempla vis muscularis, quâ arteriæ præditæ sunt, argumenta comprobata præbent ; namque solùm a vi earum musculari, explicari potest, cur, nisi in apoplexiâ vel epilepsiâ, vacuæ reperiantur ; et quoniam, in his exemplis, ab actionis, quâ more solito evacuantur, suspensione pendatur, necesse est. Naturam igitur arteriarum actionis et musculorum similem esse supradictis apparet, quia utraque a re eadem, eodem modo afficitur. Profectò tanta est similitudo quæ arterias inter et musculos cavos existit, ut multi ex anatomicis optimis eas musculis cavis †, vel cordibus ‡, comparârint.

Quo-

\* Sæmmering op. cit.

† Douglas Description of the Peritonæum. Monro. l. c.

‡ Senac op. cit.

Quomodocunque physiologici de arteriarum vi musculari disputârunt, nullum hætenùs extitit certamen de peculiari tunicâ undè pendet, si arteria hanc vim revera possideat : eam enim potestatem tunicæ mediæ solæ inhærere, inter omnes convenit. Observationes de arteriarum structurâ suprâ traditæ ad accuratam uniuscujusque tunicæ structuræ notitiam colligendam præcipuè exaratae sunt : Hæc, etiam in ramis minimis, quorum inspectio oculis patet, ejusdem naturæ esse invenitur. Verum proportio harum tunicarum in variis corporis partibus manifestò hæud parùm variatur ; hoc autem de tunicâ mediâ præsertim observandum ; ea enim, ubique corporis, præcipuam arteriæ crassitudinis partem constituit, verum in arteriis, prout a cordis sede magis magisque distat ideoque minores fiunt, arteriæ crassitudini adhuc magis confert.

Contra, tunicæ externæ proportio in truncis maxima esse videtur, et, prout arteriæ magnitudine decrescunt, paulatim minor evadit \*. Ex

D

his,

\* Hunter on the blood, &c.

his, ut et ex experimentis colligere est, arteriarum vim refiliendi paulatim imminui \*, vim autem muscularem paulatim augeri, prout a corde secedunt. Hæc tunicæ mediæ sive muscularis variatio, notatu adhuc dignior est, propterea quod nervorum distributionis variatione reciproâ, et non minus insigni stipatur: his enim arteriæ, prout earum magnitudo imminuitur, majore copiâ instruuntur: i. e. prout tunicæ mediæ proportio augetur †. Sic notum est parvas arterias multo magis irritabiles esse quam trunci ‡; et diuturnâ auctâ actione prægressâ pro portione multo magis augeri ||.

Ex suprâ dictis certè nobis confidentèr concludere licet, arteriarum structuram reverà  
mus-

\* Hunter on the blood, &c.

† Omnes arteriæ nervos habent; sed trunci maximi, subtiliores ac pauciores, quam mediû voluminis trunci et rami; hinc quo subtiliores arteriæ fiunt, eo magis nervorum augeri videtur copiâ, quo magis itaque arteriæ gracilescunt, eo densiora nervorum ipsas ambientium fiunt reticula. Sæmmering de corp. hum. fab. tom. V. p. 59.

‡ Ibid.

|| Vide Exp. ~~hujus~~ differt.



muscularem esse, quoniam istius structuræ distributionem demonstrant, quæ huic conclusioni manifestò arridet; quæ cordis vi accuratè respondit, et quæ in partibus a corde distitis (in quibus, ob varias ambages, per quas sanguis transit, cordis actio huic effectui præstando par non haberi potest,) vigori et æquabilitati circuitûs fervendo optimè accommodatur.

Porro, sanguinis circuitui a viribus, quibus fervatur, per totum ejus cursum accuratè accommodatis, prospectum esse, opinio est quæ providentiæ, quâ Natura corpore gaudere observatur, optimè respondet; atque huic functioni latè patienti præcipuè accommodatur.

Hinc concludendum est, arteriarum vim muscularem non solùm ab eorum structurâ et actione planè deducendam esse, verum etiam ab affectibus, et distributione istius structuræ, et propterea quod provisioni adeo conspicuæ in uniuscujusque partis corporis structurâ ad perfectam executionem officii ejus fervandum, omnino congrua est, adhuc ampliùs confirmari.

Si

Si tamen arteriarum vi musculari objiciatur, eas, etiam in plerisque exemplis, quando applicantur stimuli mechanici, solita hujus vis indicia non exhibere; responderi potest, quicumque secum reputat quæ sequuntur, tales objectiones vix ullius momenti habiturum.

Atquæ hæc sunt.

1o, Contractionis magnitudo a stimulis mechanicis arteriis applicatis expectanda necessariò admodùm exigua est.

2do, Arteriæ perpetuò moventur, adèò ut talem contractionem detegere perdifficile sit.

3tio, Fibræ, quibus stimuli admoveri creduntur, non quietæ sunt, sed stimulo sibi proprio indesinenter auscultant.

4to, Quoniam, stimulis applicatis, semper requiritur arteriam non pungere, ita ut sanguis effundatur, in multis exemplis fibras non ritè irritari admodum probabile est. Verum etiam quando ritè irritantur, quoniam fibræ ferè circulares sunt, et diversa atque distincta lamina efficiunt, verisimillimum videtur earum tot

non

non affici ita, ut contractio manifesta sequatur, præfertim quando densâ externâ tunica circumdantur.

5to, Ferè semper in his experimentis eventus magis minusve afficitur animalis trepidatione atque terrore. Insuper arteriæ aëri expositio necessaria, contractionem quandam creat, quæ stimulorum mechanicorum effectum haud parum imminuet, si non omninò irritum reddet : nam certum est, et sæpe in experimentis in canibus institutis observavi, arterias etiam magnas, quæ, quum primum aëri exponuntur, tam oculo quam manu pulsare manifestò observantur, brevi admodum tempore interjecto, neque oculo neque tactu moveri percipi posse, sive id ad animalis terrorem et dolorem, sive ad frigoris effectum, sive ad utramque causam, sit referendum.

Hæ sunt causæ, quibus adductus sum suprâ alludere ad experimenta, quæ ab aliis instituta erant, et ob quas dixi, rem fortassè his solis explicare nequire.

Quamvis

Quamvis a rebus argumentatisque suprâ allatis, opinio arterias esse musculares, magnâ ex parte confirmari videatur, minimè mihi persuadetur, fibras tunicæ mediæ simpliciter musculares esse. Opinor structuram ipsis peculiarem esse; easque esse fibras vasis sanguiferis et vi resiliendi instructas, nonnihil contractilitatis muscularis possidentes, nervorumque vi obnoxias.

Fibræ earum a fibris musculorum differunt non solum vi resiliendi, verum etiam quia contractiones earum quando a stimulis externis validè agentibus creantur, ferè semper permanentes et spasticæ sunt, quam rem, certè, in suppressione stabili hæmorrhagiarum, magni momenti est.

## CAP. III.

HACTENUS arteriarum structurâ et actione investigatis, effectus, quos edere observantur, quando incisione *dividuntur* perstringere jam pergam. Hi effectus complectuntur,

1mo, Processum naturalem, quo hæmorrhagia reprimitur, et

2do, Mutationes quæ in arteriâ atque ramis ejus efficiuntur.

Quando nobiscum reputamus, hæmorrhagiam præcipuam causam esse horroris quo chirurgia ab hominibus plerumque habetur; impedimentum maximum esse incremento ejus oppositum;—omnium operationum ejus inevitabilem atque periculosum comitem;—chirurgus ipsi formidinis causam;—unumque ex affectibus



fectibus maximè lethalibus ad quos sublevandos auxilium ejus arcessitur;—non possumus admiratione non affici quum in mentem revocamus diuturnum tempus per quod chirurgi contenti fuerunt conatibus empiricis, eam pharmacorum ope sedare; et non obstante eorum sympathya, et ægrorum cruciatus ad causticum, ignemque, se receperunt, neglectâ investigatione rationali, modi quo, quando sibi relicta est, cessavit, vel etiam quando eorum applicationibus cessit.

Verum utcunque mirum videri potest, ni fallor, nulla explicatio rationi consentanea processûs, quo hæmorrhagia reprimitur, edita est ante annum 1731, quando clarus chirurgus gallicus, Petit, in medium protulit brevem de hac re dissertationem\*, quæ, una cum cæteris ejus dissertationibus de eâdem re scriptis, posterorum gratias, admirationemque sibi vindicat, non solum propterea quod prima rei investigatio est, verum  
etiam

\* Memoires de l'Academie Royale des Sciences.

etiam propter accuratam observationum maxime utilium seriem quam continent.

Prius autem quam ejus doctrinæ mentionem aggrediar, mihi liceat eum exculpate vitii cujus inmeritò accusatus est a nupero scriptore \*, qui ei attribuit experimenta doctrinæque alterius ejusdem nominis, nempe, Petit *medici* cujus quoniam in paginis sequentibus iterum mentionem facere non mihi in animo est, omnia postea dicenda in hacce dissertatione de Petit *chirurgo* intelligantur.

Celeberrimus Petit opinatus est, hæmorrhagias ab arteriis divisis ortas, repressas esse coagulo, partim intra arteriæ divisæ extremitatem, partim extra eam, formato. Portionem priorem “ le Bouchon,” posteriorem, “ le Couvercle” nuncupavit. Hoc coagulum internæ vasis superficiei, orificio ejus, partibusque vicinis postea adhærere affirmavit. Hæmorrhagiâ ligaturæ applicatione repressa, animadvertit coagulum formari supra

E

liga-

\* J. Bell's Principles of Surgery, p. 170.

ligaturam, quæ, id in vase retinuit; atque coagula tunc formata à prioribus solùm figurâ eorum diversa fuere.

Hinc adductus est compressiōem commendare, ut sic in situ retineretur coagulum, neque a sanguinis impetu e loco dimoveretur\*.

Dissertationibus Domini Petit an. 1736 successit tentamen a celeberrimo Morand† conscriptum, in quo coaguli formationem quodammodo hæmorrhagiam reprimere largitus est, verum mutationes quoque quæ in arteriâ factæ sunt ad hunc effectum præstandum conferre, contendit. Opinatus est has mutationes consistere ex quadam corrugatione arteriæ fibrarum circularium, quâ canalīs ejus extremitas immixta est, vel ex fibrarum longitudinalium contractione, et condensatione, undè arteriæ canalīs penè occlusus est. Insuper addidit, hanc arteriæ corrugationem eo usque progredi posse ut canalē

\* Memoires de l'Academie Royale des Sciences. An. 1731.

† Ibid.

lem omninò deleteret, si pressurâ, uti ligaturâ, undiquè comprimeretur arteria. Dominum Morand ad arteriæ contractionem et retractionem alludere, et in *explicatione* modi, quo hæ effectæ sunt, *præsertim* errasse, manifestum est. Sic, præter explicationem imperfectam contractionis arteriæ, quam “froncement” interdum nuncupat, retractionem fibris longitudinalibus, quæ secundum anatomicos optimos in humani corporis arteriis nusquam existant, attribuit. Ex nominibus quæ adhibuit, et iconibus, quibus arteriæ statum explicare conatus est, arteriarum actionis naturam parùm accuratè assequutum esse, manifestum est.

Nullæ aliæ observationes de hac re editæ sunt ante an. 1760, quando Dominus Pouteau, theoriam suam in medium protulit, in quâ coagulum in arteriâ divisâ semper reperiri, negavit, et, quandò reverà repertum est, parum auxilii inde pendere affirmavit. Arteriæ retractionem non demonstratam esse, et saltèm non plus efficere quam coagulum, contendit. Denique

nique intumescuntiam telæ cellularis ad arteriæ extremitatis divisæ ambitum sanguinis exitum præcipuè oppugnare, ei persuasum est. Et ligaturam utilem esse habuit, propterea quod ad telæ cellularis densationem faciliorem et ampliore efficiendam conferebat.

Sic Pouteau \*, postquam Petit et Morand doctrinas reprehenderat; multasque animadversiones et monita utilia in veritatis investigatione observanda scripto tradiderat, tandem sui proposuit theoriam, ad modum, quo reprimitur hæmorrhagia, explicandum, ab arteriarum inspectione intervallo aliquot hebdomadarum vel etiam mensium, ex quo divisæ fuerant, factâ derivatam.

Hujusmodi exemplis saltèm opinionem suam tueri annisus est, atque quæ, ipse narrat in binis experimentis in equis factis, (tertio die post mortem inspectione factâ,) quæque Petit et Morand theoriis consentiverunt, observata sunt abfurde

\* Melanges de Chirurgie.



furdè neglexit. Opinionum eorum magna diversitas hinc facile derivanda est.

Domini Pouteau theoria ipsis exemplis, quæ ad eam sustinendam attulit, quæque accurata esse videntur, facilè refutari posset ; sed forsan de hac re satis jam dictum est. Nunc solùm subjiciam eam non solùm falsam ineptamque fuisse, verum etiam ad perniciosam curandi methodum duxisse \*.

Domini Pouteau theoriam a majore chirurgorum numero, quam debuisset, adoptam esse verisimile videtur ; quoniam chirurgi Gooch et White ejus mentionem præcipuè, faciunt, quando ad arteriæ *contractionem* et *retractionem* hæmorrhagiæ cessionem relegant. Perhibetur hanc processûs explicationem a Domino Gooch  
pro-

\* On a conclu de ces faits vérifiés plusieurs fois, que pour arrêter sans crainte de retour l'hæmorrhagie de quelque grosse artère, il falloit embrasser avec le fil une bonne quantité de chair, de telle façon que l'artère fut au centre du cercle formé par la ligature. Melanges de Chirurgie, p. 332, 3.

propositam esse, et confirmatam ab experimentis Domini Kirkland, cujus tentamen legendi nulla occasio mihi oblata est, ideòque eorum theoriæ plenum conspectum exhibere non possum aggredi; quæ tamen, si ea totum effectum ad arteriæ contractionem et retractionem referat, pro distinctâ sive novâ theoriâ non haberi potest, quamvis enim revera ab iis sit excogitata, solum clarissimi Morand theoriæ partem esse manifestum apparet.

Solam aliam theoriam, quam occurri, nuper proposuit Dominus Joannes Bell, qui opinionem suam his verbis asserit, “ When hemorrhage stops of its own accord, it is neither  
“ from the retraction of an artery, nor the  
“ constriction of its fibres, nor the formation  
“ of clots, but by the cellular substance which  
“ surrounds the artery being injected with  
“ blood \*.”

Simi-

\* J. Bell, Principles of Surgery, Tom. I. p. 179.

Similaritas quæ inter hanc et Domini Pouteau opinionem intercedit omnino obvia est, a quâ solum in hoc differre videtur, nempe, hanc docere effusionem quæ in telam cellularem fit, ex sanguine constare; dùm Pouteau solùm mentionem fecit *tumefactionis* istius telæ, sed pro certo ad nullum præ cæteris fluidum rem relevavit, quamvis ad lympham coagulabilem eum allusisse, manifestum sit.

Verum quamvis ingeniosus Bell effusionem in telam cellularem, uti naturalem causam, quâ hæmorrhagia reprimitur, habeat, tamen ex doctrinæ suæ illustratione, quam præbuit, constat eam reprimi, priùs quam talis causa agere incipiat, ab chirurgi digito, et ratione quâdam, quæ neque physicis neque physiologicis corporis legibus explicari potest †.

Do-

\* The stream of blood gradually lessens, *because the artery is emptied and the resistance to the arterial action taken away*; the stimulus being gradually lessened, the artery every moment acts less powerfully; and the blood being

Dominus Bell deindè progreditur theoriæ suæ futilitatem extenuare hâcce conclusionem, “ The natural powers which restrain hæmorrhagy do but suppress it for a time, and expose “ the patient to secondary hæmorrhages †.”

Si hujus theoriæ auctor ingeniosus eam stabilisset, hanc conclusionem admittere potuissemus : verum benè notum est ; postquam hæmorrhagia ex vulnere orta (quod prius sanguinem effunderat ita ut telam cellularem omnino imple-ret,) sua sponte prorsus cessavit, omnis arteria fauciata quæ detegi potest, ligata est ; et pressu-

ra

no longer solicited or urged on by the arterial contractions, *forakes the open artery*, and moves along the neighbouring branches. The surgeon *claps the point of his finger upon the mouth of the artery*, and holds it there ; the outward bleeding is prevented ; the blood is extravasated into the cellular substance round the mouth of the artery ; the cellular substance is slightly injected with blood, that blood coagulates ; and that slight barrier is sufficient to restrain the bleeding of a small artery, till the parts inflame and the artery is entirely stopped.

Principles of Surgery, Vol. I. p. 179, 180.

† Ibid. Tom. I. p. 181.

ra a telâ cellulari repletâ facta, fasciis adjuta est, hæmorrhagiam sæpe redire dùm in hoc statu versatur, verum, partibus aëri expositis, ideòque fasciæ removentur, et pressurâ, quam tela cellularis efficit *minore* redditâ, cessare.

Ex his aliisque rebus quæ hic afferri possent, concludere nobis licet, effusionem in telam cellularem etiam in hæmorrhagiis, ex arteriis minimis, earum repressiois explicationem non præbere. Veruntamen compertum est, hæmorrhagias, etiam ex arteriis alicujus magnitudinis, in rebus faustis, a causis naturalibus reprimi; et hinc concludere adducimur, quoniam hic auctor, quænam hæ potestates sint, non ostendit, conclusionem ejus ad eas spectantem, saltem esse præmaturam; manifestum enim est eas nobis pro certo notas esse debere, priusquam de efficientia earum aliquid certius affirmare liceat.

Jam recensitis explicationibus processûs naturalis, quo hæmorrhagia sistitur, animadverti potest, quamvis earum unaquæque imperfecta sit, omnes accuratas utilissimasque observationes



continere, quæ, tamen, quoniam in diversis processûs stadiis factæ sunt, rem solum ex parte illustrâsse, ideoque diversis opinionibus quæ de ea in medium prolatae sunt, originem præbuisse. Hînc manifestum est solùm seriem observationum sibi invicem respondentium hanc rem unquam satis illustrare posse. Hujusmodi series pleraque res, quibus theoriæ suprà memoratæ innisæ sunt confirmabit et earum discrepantias conciliabit, atque eas ab investigatione leviori derivatas esse demonstrabit. Ità saltèm opinari adductus sum eventu quorundum experimentorum, quæ jam recensebo; verum priusquam eorum narrationem ingrediar, hîc mihi liceat gratias maximè sinceras reddere ob auxilium, quod in his experimentis faciendis, tantâ benevolentîâ mihi præbuere amici mei spectatissimi, Dominus BUTCHER, Dr. FARRE, et Dominus JOHANNES THOMPSON, de chirurgiâ in hac urbe prælector præclarus, non minus peritiâ in chirurgiæ operationibus quam ingenii acumine insignis.

*Ex-*

*Experimentum Primum.*

Canis arteria femoralis ita divisa est, ut ejus, non plus quam duæ lineæ integræ relinquerentur. Ingens rapidumque sanguinis profluvium insectum est, et animal intra quinque temporis minuta animam efflavit.

*Experimentum Secundum.*

Canis alterius arteria femoralis denudata, et ligatura *infra* eam locata est. Deinde vulnus externum acûs ope conjunctum est, et arteria, ligaturâ *infra* eam locatâ inter futuras extracta est, et penitûs divisa prope partem, ubi a telâ cellulari in superiore femoris parte, ligaturâ, non separata erat. Semihorâ interjecta, aquâ submersum extinctum est animal; et quum partes inspicerentur, repertum est coagulum sanguinis

tis magnum, inter integumenta et arteriam fixum, utramque arteriæ extremitatem divisam operiens, et inferiori, partibusque vicinis adhærens. Extremitates ferè digitorum transversum a se invicem distabant. Coagulum nigrum, formæ cylindricæ, orificio extremitatis superioris adhærens, repertum est, quod ad minimum tertiam partem digiti transversi inter venam nervumque descendebat. Orificium nonnihil contractum est. Arteriæ divisio ad partem, ubi telæ cellulari adhærebat, facta fuisse visa; quod proculdubio quodam *retractione*, quæ acciderat, adhuc magis manifestum redditum est. Nonnihil sanguinis in telam cellularem, et ad minimum duos digitos latos secundum arteriæ vaginam, effusum observatum est. Arteria vero minimè compressa esse visa est. Hæc vasis parte apertâ longum et admodum exile coagulum, quod cavum ejus minimè complebat, detectum est. Extremitas portionis inferioris arteriæ divisæ ferè octavam digiti lati a telâ cellulari separata reperta est.

Ori-

Orificium ejus magis contractum est quam superioris orificium, et ad unum latus quodammodo conversum erat. Coagulum admodum exile, et filamentosum, coloris fusci, in cavum ejus continebatur; et coagulo superimposito firmiter adhærebat.

*Experimentum Tertium.*

Canis, arteria femoralis eodem modo ac supra memorato divisa est, vulnere, uti in exemplo superiore, futurâ accuratè conjuncta. Animal extinctum sex horis elapsis examini subjecta est. Suturis sublatis, integumenta magnæ sanguinis coagulati effusioni, portionis lymphæ coagulabilis interjectæ ope, adhærentia visa sunt. Diviso sanguinè coagulato, in parte ejus interiore, sanguinis non coagulati, parva portio detecta est. Tela cellularis, quâ superior arteriæ pars circumdata est, per spatium duorum digitorum latiorum

torum super partem divisam, et totidem infra eam, sanguine effuso plena erat.

Sanguis effusus in quibusdam partibus in tēlam cellularem, inter musculos locatam penetrârat. Arteriæ extremitas contracta fuit, plēnaque coagulo coloris subnigri, quod ultra orificium ejus ad minimum quartam digiti lati partem excurrēbat, et in sanguinem coagulatum antrorsum vergebat. Ferè tres lineas intra arteriæ cavitatem penetrabat, et tunicæ, ejus internæ adeò firmitèr adhærebat, ut una cum hujus parietibus æquabilem solidamque substantiam videbatur formare. Parva lymphæ coagulabilis fascia ab uno ad alterum arteriæ latus nonnihil supra ejus extremitatem extendebatur. Patefactâ arteriâ, in cavitate ejus repertum est coagulum nigrum, quod longitudine quartam fere partem digiti transversî æquabat, alteri coagulo contiguum; verum neque arteriæ canalem implebat, neque superficiē ejus interiori adhærebat. Coagulum fusci coloris ex portionis inferioris extremitate eminebat.; et quum  
in-

internè inspectum est, tunicæ internæ adhærere, et canalem per spatium ferè trium linearum implere, repertum est. Adhærebat longo, gracili coagulo, quod intra arteriæ cavitatem jacebat, verum neque eam omnino complebat, neque tunica internæ ullibì adhærebat.

*Experimentum Quartum.*

Canis arteria femoralis dextra pari modo, quo in experimento tertio, omninò divisa est.

Animal extinctum viginti quatuor elapsis horis inspecta est. Integumenta ope lymphæ coagulabilis interjectæ, magnæ sanguinis coagulati massæ adhærebant ; verum eorum margines, qui futuris sibi invicem juncti erant, nondùm coalluerant. Tela cellularis plena erat sanguine a genu usque ad pelvis cavitatem effuso. Extremitas portionis arteriæ superioris nonnihil contracta erat, et occludebatur coagulo coloris fusci formæque cylindricæ, quod ex eâ quartam circiter partem



partem digiti lati exstabat, et extremitatem versus nonnihil minus factum quodammodo antrorsum vergebat. Sectâ arteriâ, hoc coagulum ubique arteriæ orificio et superficiei ejus internæ, adhærere repertum est; sed non ulterius quam unius lineæ latitudinem, cavitatem ejus penetrabat. Hoc coagulum, pari modo ac id in tertio experimento descriptum, aliquamdiù pro arteriæ extremitate habitum est: namque non solum arteriam magnitudine et figurâ referebat, sed propterea quod orificio ejus telæque cellulari id circumdanti tam arcte adhærebat, et arteriæ cavitatem modò intrabat, arteriæ extremitas reperiri non potuit priusquam parva portio ejus partis coaguli, quæ intra eam posita est, sublata esset. Superficies arteriæ interna inflammationem patiebatur; et tela cellularis quâ circumdata est admodum densata est. In hoc et tertio experimento, arteria, a parte divisâ usque ad Pouparti ligamentum, compressa et complanata visa est. Ex hoc tempore, tamen, idem post mortem, in arteriis femoralibus canum

num qui nullo experimento subiecti erant, observavi. Hinc non probabile videtur experimentorum effectum fuisse, vel arteriam, dum animal vitâ fruebatur post experimentum in tali conditione versatam esse.

Extremitas *portionis inferioris* arteriæ admodum contracta est, et occlusa fusco coagulo latitudinem circiter duarum linearum quod superficiei ejus interiori firmitèr adhærebat, et modò ex orificio ejus eminebat. Nullum aliud coagulum in ejus cavitate aderat: arteria divisa est statim supra magnum ramum, qui forsàn causa fuit, cur nullum aliud formatum erat.

#### *Experimentum Quintum.*

Canis arteria humeralis denudata, et penitus divisa est; vulnus autem in integumentis futuris non clausum, sed apertum relictum, est.

Sanguinis profluvium immodicum sequutum est; animal autem brevi languidum factum est,

et sanguis effluere cessavit. Intervallo viginti quatuor horarum, animale extincto, vulnus inquisitum est.

Vulneris superficies strato lymphæ coagulabilis obducta, et inflammata, visa est. Vix ulla sanguinis effusio in telam cellularem acciderat, si spatium circitèr duorum digitorum transversorum intra arteriæ vaginam excipias.

Arteria, autem, minimè compressa est. Utraque extremitas, præsertim verò inferior, admodum contracta apparuit. Utriusque extremitatis orificium basi coaguli coloris fusci et figuræ conicæ occlusum est. Hæc coagula sibi invicem adhærebant ope marginis inæqualis lymphæ coagulabilis, quæ ab apice unius ad apicem alterius extendebatur rectâ lineâ, in qua, a parte posteriore arteriæ vaginæ, eam servatam esse, nullus dubito.

Utrâque arteriæ portione sectâ, utriusque canalis extremitas per spatium circitèr lineæ latitudinis repleta est portione coaguli modo memorati, ab utroque orificio extendentis. Arteria  
hanc

hanc parvam coaguli portionem amplecti, visa est. Utriusque portionis tunicæ densatæ, et superficies earum interior inflammata sunt.

*Experimentum Sextum.*

Canis arteria axillaris dextra modo solito penitus divisa est, vulnere externo prius futuris juncto.—Horis quadraginta octo elapsis, animale extincto, inquisita est arteria.

Animal futuras vi avulserat : vulnus apertum inventum est, et in ejus cavo, cujus superficies stratis admodum vasculosis lymphæ coagulabilis obducta est, quædam parvæ sanguinis coagulati portiones aderant. Tela cellularis vicina sanguine effuso scatebat, sed non æquè turgebat ac in experimentis in femore institutis. Ex partium colore manifestum apparuit sanguinis effusi absorptionem progressam fuisse.

Arteria copiâ haud parvâ lymphæ coagulatæ circumdata est. Portionis arteriæ divisæ superioris extremitas figuram conicam induerat,  
fir-

firmiterque adhæsit exili lymphæ coagulabilis filamento, quæ ferè digiti lati spatium ab eâ descendebat, et inter duos nervorum brachialium eâdem lineâ quâ arteria positâ est. Sectâ arteria, tunicae ejus craffiores mollioresque apparuere, quam in conditione earum sana sunt; et per spatium quartae circiter digiti lati partis, superficies ejus interna, inflammatione laborasse visa est. Orificium ejus omninò occlusum est coagulo fusci coloris, quod tunicae internæ firmiter adhærebat, et ferè octavam digiti transversî partem canalîs occupabat. Arteriæ extremitas inferior a superiore non minus quam digitum latum distabat. Figuræ conicæ erat, et adhærebat parvæ lymphæ coagulabilis portioni, quæ, quanvis mole multo minor, portioni, ab extremitate superiore descendenti obviam ivit, et unâ cum eâ parvam eminentiam lymphæ coagulabilis, ab unâ extremitate ad alteram sese extendentem, easque cum partibus subjectis connectentem, formabat.

Sectione patefactâ arteriæ portione, canalis ejus, per spatium digiti transversi octavæ partis, omninò occlusus est fusco coagulo superficiei interiori firmiter adnexo. Arteriæ tunicæ densatæ sunt, et tunica interior per spatium quartæ circiter partis digiti lati inflammata visa est. Tela cellularis vicina lymphâ coagulata effusa admodum densata erat.

*Experimentum Septimum.*

Canis arteria femoralis denudata atque divisa est more solito, vulnere externo futuris clauso.

Anim. extinct. nono die et parte inspectâ, vulnus apertum, sed multo minus amplum, repertum est.

Obducta est superficies ubiquè strato crasso lymphæ coagulabilis admodum vasculosæ, per quam secare necessarium fuit ut ad arteriam aditus pateret. Arteriæ extremitates sectæ ita retractæ fuerant, ut circiter semidigitum transversum a se invicem distarent.

Tela



Tela cellularis, quâ utraque extremitas circumdata est per spatium ad minimum unius digiti transversi propè utramque extremitatem, lymphæ coagulabili effusâ admodum densata est. Extremitas superior nonnihil contracta est. Sectâ arteriâ, orificium ejus inventum est expletum substantiâ albidâ gelatinosâ, quæ spatium duarum circiter linearum arteriæ canalis extremitatis occupavit, et trans eam ferè trium linearum latitudinem in punctum rotundum desinit, quod partibus subjectis adnexum, sensimquæ cum iis commixtum, est.—Coagulum lucidi fusci coloris, et figuræ levitèr conicæ, intra vasis canalem substantiæ gelatinosæ adhæsit, verum neque internæ superfici ei vasis adnexum est, neque cavitatem ejus adimplèvit.—Arteriæ extremitas inferior superiore magis contracta est. Terminatio ejus admodum conspicua fuit. Figura ejus conica erat, et apice rotundâ instructa, quam effecerant, contractio ejus et exigua effusio super vasis margines divisos. Arteriâ sectâ, orificium ejus repertum est occlusum

coagulo lucidi fusci coloris, quod arteriæ canalem omninò implevit, et per spatium octavæ digiti transversæ partis, internæ ejus superficiiei quaquaversus adhæsit. Huic coagulo intra arteriæ canalem adnexum est alterum coagulum fusci coloris et figuræ conicæ, circiter quartam digiti lati partem, longum, cum apice superiore, verum neque internæ arteriæ superficiiei adhærebat, neque mole suâ canalem ejus omninò implevit. Arteriæ tunicæ tam in hac quam in extremitate superiore multum densatæ fuere.

*Experimentum Octavum \*.*

Die Octobris 15, 1793.

Canis arteria carotica sinistra per spatium duorum digitorum transversorum denudata est.

Vis

\* Hic grates quam maximè sincere amico meo præclaro Dom. De Roches, *Genevensis*, non agere non possum, ob auxilium peritum mihi præbitum in vi galvanicâ adhibendâ in hoc et in decimo experimento.

Vis Galvanica ei adhibita est, verùm nullum affectum manifestum præstitit. Arteria nullam aliam mutationem, quam quæ ab aëris aditu derivanda est, experta erat. Deindè binis ligaturis adhibitis arteria intercepta est, per spatium circitèr digiti transversum, quod netis metallis apparatus galvanicæ perforatum erat, quodque idèò penitus resectum est. Quo facto, filum, secundum carotidis portionem *cordi* proximam locatum est, et, unà cum arteriâ, ligaturâ, circitèr semidigitum transversum a ligaturâ ad extremitatem distante, inclusum est, ità ut sanguis in spatio semidigiti transversum ad arteriæ extremitatem omnino quietus servaretur. Vulnus in integumentis postea futuris junctum est, portionisque Carotidis *capiti* proximæ extremitas inter futuras extracta \*, et portio, ligaturâ inclusa penitùs resecta est. Statim sanguis pleno rivo effluere cæpit—thrombus autem citò formatus est, et hæmorrhagia cessavit. Quatuor elapsis horis,

ope

\* Ope ligaturæ, quâ circumdata erat, cujus longitudo extractioni sufficiebat.

ope fili, quod unà cum carotidis portione cordi proxima inclusam erat, extraxi secundam ligaturam, quâ circumdata erat, et quam hoc consilio solùm simplici nudo, ne sanguis eam transire posset, vinxeram. Facile igitur extracta est, neque turbatae sunt partes vicinae. Intervallo septuaginta duarum horarum, anim. extinct. partes inquisitae sunt, sed primum, repletæ sunt cerâ liquidâ coloratâ, quæ ex aorta in eas injecta est. Animal ligaturas avulserat vulnusque omnino apertum est. Dilatato vulnere constitit, totum spatium ab aortæ curvatura usquè ad extremitatem portionis carotidis capiti proximæ, et digitum transversum ulterius, occupatum esse, crasso lymphæ coagulatae strato, quod *arteriam involutum est*; verum *minime eam comprimere* videbatur, quamvis tela cellularis effusione quam maximè potuit, turgeret. Hæc lymphæ effusa per tracheam partesque ex adverso arteriæ latere diffusa est.

In ea, observatae sunt tres profundæ cavitates, abscessibus similes, in quibus paucæ sanguinis coagulati portiones, laxè pendentes repertæ sunt.

Seclâ arteriæ portione cordi proximâ manifestum apparuit, injectionem, in id, per spatium duorum circiter digitorum transverforum ab aortæ curvaturâ penetrasse, et quoddam nigrum coagulum semidigitum circiter longum, compressisse. Hujusce coaguli natura subtilius investigatâ, ut certior fierem, utrûm arteriæ lateribus adhæserat; revera plusquam digitum transversum longum esse comperi; et ejusdem portionem, arteriæ canalem, ligaturæ proximum, per spatium ad minimum, quartæ digiti lati partis mole sua implevisse; verum partem reliquam gracilis conicæ figuræ esse, et ab injectione duplicatam compressamque fuisse. Hoc coagulum nullibi nisi ad extremitatem ejus, statim sub ligaturam, vasis superficiei externæ adhæsisse visum est.

Carotidis portionis extremitas *capiti* proxima, ad orificium ejus, lymphâ coagulabili, adeò circumdata est, quæ ab eo quoque extendebat, ut ubinam arteria desineret, affirmare difficile esset. Verûm quando secta est, compertum est

in-



injectionem deorsum ad orificium detrusam esse, ubi urgebat parvum nigrum coagulum, quod inter eam, et portionem lymphæ coagulabilis fusci coloris, ferè semidigitum longæ, figuræ conicæ, et ad basin orificio vasis adhærentis; musculo subiecto adnexæ, et ad apicem ejus desinentis sub laminâ lymphæ coagulabilis, quæ a vulneris superficie super arteriæ extremitatem diffusa est. Arteriæ tunicæ multum densatæ sunt.

*Experimentum Nonum.*

Canis carotidis dextræ exigua portio denudata est, eique ligatura admotâ est. Vulneris externi labia deinde sibi invicem ligaturis applicata sunt, et arteria inter futuras extracta, ligaturam inter caputque animalis penitus divisa est. Primum sanguis copiosè effluxit, sed magnus thrombus brevi formatus est et hæmorrhagia cessavit.

Octo.



Octoginta octo horis elapsis anim. extinct. arteria inspecta est, cerâ coloratâ in vasa priûs injectâ.

Vulnus apertum sed multùm imminutum, repertum est, propterea quod ad extremitates ejus integumentorum margines sibi invicem adhæserant. Ligaturæ avulsæ erant, et in medio ferè vulnere integra hiant, atque apertum circularem formabant, quæ in profundam cavitatem definebat, ubi duæ vel tres lymphæ coagulabilis portiones laxè suspensæ sunt. Dilatata hac cavitate superficies ejus interior strato lymphæ coagulabilis lævo et admodum vasculoso obducta reperta est. Arteria pone hanc cavitatem sita erat, vel, aliis verbis, a vulnere externo, lymphæ coagulabilis portione, quæ cavitatis fundum formabat, penitùs exclusa est. Sectâ hac lymphâ coagulabili, tela cellularis, quâ arteriæ portio cordi proxima circumdata est, per spatium ad minimum digiti transversî ab extremitate ejus, cor versus, admodùm densata apparuit. Ligatura hanc arteriæ portionem adhuc amplectebatur, sed tertiam circiter ambitûs ejus  
partem

partem exulceratione affecerat. Hâc arteriæ parte sectâ, adhæSIONem superficiEI ejus internæ, circiter lineæ latitudinem, statim infrâ ligaturam accidisse ; canalemque ad adhæSIONis punctum, in punctum angustum et rotundum defivisse, repertum est. Canalis extremitas nigrum coagulum continebat, quod, propterea quod ab injectione duplicatum et compressum erat, canalem per spatium ferè quartæ digiti transversî partis implevit. Verum coagulo attentius inspecto ad minimum duas digiti transversî tertias partes longum esse, planè constitit : per spatium circiter trium linearum ad terminationem ejus, propè arteriæ extremitatem, arteriæ canalem implevit ; quod verò reliquum fuit coaguli gracile terefque erat.

Hocce coagulûm ad latera ejus, arteriæ superficiEI internæ, non adhærere visum est ; et ultra basin ejus canalis extremitati solûm laxè annexum est, ubi superficiEI internæ vasis, adhæSio facta erat.—Tela quoque cellularis, quâ arteriæ portio capiti proxima circumdata est, multum

tum densata est, ipsaque arteria diametro multo minor. Quando secta est injectionem deorsum ad extremitatem descendisse, et figuræ admodum gracilis conicæque esse manifestum fuit; apex ad extremitatem vasis erat, quæ multum contracta apparuit; et occlusa est lymphæ coagulabilis portione, ab orificio ejus deorsum descendente, figuræ conicæ, partibus subjectis firmiter adnexâ, et in iis, ad apicem ejus sensim evanescente. Priusquam arteria secta esset, omnino dictu impossibile erat, ubi terminaretur, et coagulum inciperat. Revera externo intuitu unam substantiam uniformem formare visa sunt.

*Experimentum Decimum.*

Die sexto Octobris.

Canis carotis dextra per spatium ad minimum duorum digitorum transversorum et semidigiti denudata et vi galvanicæ subiecta est. Ar-  
teria

teria citò manifestò minor evasit ; sed, brevi interjecto tempore, portio ejus per spatium quartæ digiti transversæ partis multò contractior esse visa est. Hæc contractio donec finitum est experimentum eadem permansit. Postquam eam aliquamdiu inspexeramus, ligata est carotis ferè digitum trans partem contractam, i. e. capiti propiorem, et punctura in ea, inter ligaturam et caput animalis facta est. Magnum sanguinis profluvium sequutum vulnusque externum statim futuris junctum est : thrombus formatus est et hæmorrhagia brevi cessavit.

Die Octobris 18mo.

Animalis vita in aquâ submersione extincta est ; et pars corporis superior cerâ coloratâ ex aortâ repleta.

Carotis dextra denudata plerumque colorem inter fuscum et cæruleum exhibuit, et tactui modùm dura fuit : ad originem repetitâ, injectionem magis quam digitum transversum ab aortæ curvaturâ, eam præteriisse, compertum est.

est. Sectâ arteriâ infra terminationem injectionis repertum est, occlusam esse nigro coagulo, quod vasis canalis ferè digitum transversum et dimidium occupabat, verum solùm iniquè ei adhærebat. Ad alteram hujus coaguli extremitatem adeò contracta est arteria, ut ferè prorsus deleta sit per spatium ad minimum quartæ digiti transversi partis \*. Ab hujus partis contractæ extremitate, usquè ad ligaturam, per spatium ferè digiti transversi, arteriæ canalis iterum vacuus evasit, atque lucidum et fuscum coagulum continuit, quod tamen neque eum omninò implevit, neque ullibi ei adhæsit, si excipias extremitates ejus, nempe, unam, in partis contractæ terminationem, et alteram statim infra ligaturam sitas. Infra ligaturam, et inter eam et animalis caput per spatium trium circiter linearum, arteriæ canalis deletus est tunicarum

\* Propter hujus partis contractæ positum, nullum dubium relinqui potuit, eandem esse partem, in qua contractio permanens, dùm experimentum fiebat, observata erat.

nicarum ejus junctione et densatione. Tela quoque cellularis, quâ hæc pars circumdata est, densata, et arteria ipsa exiguâ, firmâ pendulâ lymphæ coagulabilis portione obducta est. Ab hac parte usque ad animalis caput arteria in conditione sanâ fuit, verum diametro solito multo minor. Quum sectione patefacta est, injectionem in conum definere, cujus apex ligaturæ proxima fuit, compertum est.

*Experimentum Undecimum.*

Die Septembris sexto.

Canis carotis sinistra denudata est, et binis ligaturis circumdata est, itâ ut inter eas arteria prorsus dividi posset quin exuerentur ligaturæ; quo facto, vulneris externi labia futuris sibi invicem applicata sunt. Finito negotio animal nullam molestiam, vel hilaritatis solitæ, imminutionem passum esse, visum est.



Die Octobris 25to.

Occisum est animal, et cera colorata liquida in vasa ejus injecta.

Inspectâ carotide dextrâ, compertum est, injectionem in eam solùm penetrâsse circiter digiti transversi spatium ab aortæ curvaturâ. A parte ubi desiit injectio, arteria quum manu tractaretur tenue rigidumque filum referebat, et coloris cinerei erat, per spatium fere unius digiti transversi et quartæ amplius partis, et deinde portione firma, densâ albidâ figuræ conicæ quartam circiter digiti transversi partem longâ terminare apparuit. Hæc portio albida paulatim minor facta, extremitati portionis carotidis capiti proximæ adnexa est fasciculâ filamentosâ digitum circiter transversum et semidigitum longâ. Extremitas quoque portionis carotidis capiti proximæ, in firmum, album et conicum punctum, proximè infra ramum lateralem desinere visa est. His extremitatibus et fasciculâ cujus ope sibi invicem junctæ sunt accuratiùs inspectis, omnino impossibile visum est  
exactè

exactè scire, ubi arteria defineret et quantum fasciculæ ex telâ cellulari induratâ et condensatâ constaret; adeò similis fasciculæ structura, arteriæ extremitatum structuræ, ubique apparuit; profectò utraque extremitas visa est quasi in fibras filamentosas paulatim resoluta esset, quæ a telæ cellularis fibris solùm distingui potuere, quia nonnihil densiores et grandiores erant; sanè visum est, has fibras unâ cum tela cellulari condensata quæ inter extremitates arteriæ jacebat fasciculam modo descriptam formasse. Arteriæ parte cinereâ sectione patefactâ canalis ejus plurimùm imminutus apparuit, et superficies interior coloris nigri erat, quasi ei sanguis coagulatus adhæsisset. Verùm nullum coagulum distinctum in eo repertum est. Carotidis sinistræ portiones cerâ repletæ portionibus carotidis dextræ manifesto haud parùm minores fuerunt. Carotidis sinistræ portio capiti proxima sæpe communicabat cum carotide dextra tam ante tracheam quam pone eam, et maximi rami ope cum arteria quoque  
vertebrali

vertebrali sinistra. Ab aortæ curvatura ad amussim inter carotides profecta est arteria haud parva, quæ secundum œsophagi latus sinistrum; eum inter tracheamque, ascendit, et in carotidis portionem capiti proximam desit, ubi unâ cum ramo, quem ante terminationem amiserat, magnam anastomosin efficit.

*Experimentum Duodecimum.*

Die Julii 19, 1802.

Canis juvenis, arteria humeralis sinistra denudata et prorsus divisa est. Rapidum sanguinis profluvium insequutum est. Vulnus in integumentis brevi futuris junctum est, et thrombo formato, sanguis effluere cessavit.

Die Octobris 25, 1802. Extinctum est animal, et fistula in aortam immissa, quâ cera in capitis crurumque anteriorum vasa injiceretur, sed, propter quendam casum qui dùm injectio fiebat occurrit, nullæ partes accurate pervasit, neque

neque per ramos communicantes in portionem inferiore[m] arteriæ humeralis sinistrae transit ; veruntamen hujus arteriæ portio superior omninò repleta est. Immissa est fistula in portionem inferiore[m], statim supra divisionem ejus in radialem et ulnarem, et cera in reliquam arteriam partem versus, quæ in experimento divisa fuerat, injecta est. Sic tam superior quam inferior trunci arteriæ humeralis portio injectione, repleta est : et quamvis, portione inferiore a ramis communicantibus non repletâ, præcipuum experimenti consilium frustratum erat ; experimenti historiam tradidi propter mutationes quas arteria passa erat. Inspectione institutâ repertum est, extremitates, in quas cera fuerat injecta, a se invicem ferè duos digitos latos distantes more conico terminari. Ab apice extremitatis superioris portio arteriæ contracta et prorsus deleta, per spatium circiter tertiæ digiti transversæ partis manifesto repeti potuit. Hæc portio deleta apici extremitatis inferioris adnexa est tenui filamento, fili crassi magnitudi-

nem

nem æquante, et circiter digitum transversum et dimidium longo, a tela cellulari, distingui solum quia ejus fibris mole majus erat.

*Experimentum Decimum Tertium.*

Die Augusti 5, 1802.

Arteria femoralis canis, in quo experimentum præcedentem institutum erat, denudata, binis ligaturis, a se invicem circiter semidigitum transversum distantibus vincta est, vulnusque externum futuris accuratè clausum.

Die sexto et septimo post peractum experimentum, materia e vulnere effusa sanguine multum imbuta est; die autem octavo conditionem naturalem recuperavit, et decimo quinto, pars pene sana iterum facta est. Die Octobris 25, 1802. Ext. anim. in extremitates posteriores cera ex aorta supra bifurcationem ejus injecta est.

Dissectione

Dissectione extremitatum factâ, spatium unius digiti transversum et amplius, arteriæ trunci, ad partem cui ligaturæ applicatæ erant, deletum, repertum est. Uno verbo, arteria deleta est a primo ramo laterali infra eam partem, ferè usque ad primum ramum lateralem supra eam.

*Arteria profunda* multas anastomoses magnas cum ramis ab hac inferiore arteriæ parte projectis formabat : *arteria sciatica* multas communicationes ad partem femoris posteriorem cum ramis statim supra genu ab eâ derivatis habebat. Omnes hi rami communicantes *multo* majores erant quam rami qui illis respondebant in altero femore, in quo tam parvi fuere ut solum paucae anastomoses, idque difficulter, ibi detegi possent. Verum ramorum magnorum utriusque membri magnitudinis differentia, quamvis admodum conspicua, minimè tanta fuit ac in parvis ramis communicantibus : hi præcipuam mutationem subiisse visi sunt ; namque non solum multo majores fuere in femore experimento subjecto, verum etiam distributio eorum admodum sinu-



sinuosa fuit. Contra, in femore sano rami parvi prorsus recti fuerunt. Quoniam utriusque membri arteriæ ex aortâ fuere repletæ idque uno a syringe impetu, hæc differentia ad modum quo in eos impulsæ est cera, attribui non potuit.

Omnes anastomoses, quorum ope arteriæ superioris portionis libera communicatio servata est, enarrare nolui, quoniam talis historia nimis prolixa foret; sed confidenter affirmare possum arteriæ truncum infra partem deletam magnitudinis naturalis, id est, arteriæ femoris sani erat.

---

QUAMVIS horum experimentorum eventus quo minus explicationem processûs æquè simplicem, ac hæctenus reddita est nos præbeamus prohibent, saltèm explicationem magis consentaneam, et pleniorẽ, exhibent: sanguinem, enim, arteriarum actionem, structuramque,  
uno

uno verbo, omnes partes quæ ad hæmorrhagiam pertinent ad progressum ejus exitiosum corripendum conferre, demonstrant, et in exemplo, arteriæ perfectè divisæ modo et ordine sequenti agendo.

Arteriæ divisionis effectus primus est sanguinis effusio vehemens; arteria verò, ob vim suam resiliendi, et sese contrahendi, statim retrahitur, et ad extremitates nonnihil contrahitur. Impulsus, tamen, naturalis, quo sanguis in eam propellitur, et qui ob ei oppositum renisum, sublatum tunc efficacior fit; ad partem fauciatam, retractionem oppugnat, atque (præsertim sub quavis cordis systole) arteriæ contractionem omnino superat, sanguinisque magnum profluvium tam externè quam in partes, quibus arteriæ circumdatur, gignit. Hâc exinanitione animalis vires prosternuntur, et syncope, vel status ei magis minusve similis sequitur: cordis actio imminuitur, et vis ejus ad partes distitas vix propagatur. Sanguis non amplius genus sanguiferum distendit elongatque. Arteriæ divisæ

extremitas sanguinis impetu non ampliùs vehementèr impulsa, neque a canalis continuitate aperta servata atque sustenta, diametro contrahitur, et in telam cellularem retrahitur, quæ sanguine coagulationem subeunte plena est. Vulneris quoque cavitas impletur sanguine, qui brevi magnum coagulum format, super arteriæ extremitatem, undè parva sanguinis quantitas adhuc paulatim effundi pergit. Hic sanguis tardissime exiens, et a vasis, ubi actio multum imminuitur profectus citissimè coagulatur. Videtur quidem coagulari dùm ex arteriæ orificio exit; quoniam coagulum cylindricum, vel quodammodo conicum format, quod a quartâ ad dimidiam digiti transversæ partem longum est, inter venam nervumque jacet, et interdum extremitas ejus inferior, coagulum versus vertitur quod super arteriam situm est. Extremitas ejus superior arteriæ orificio firmitèr adhæret, et quoniam plus sanguinis inde effundatur impedit.

Sanguis quoque intra vasis extremitatem jam ferè prorsus quietus, coagulari incipit, format-  
que

quæ coagulum longum, gracile, figuræ conicæ, quod neque arteriæ canalem omnino implet, neque parietibus ejus adnectitur. Interca temporis arteriæ extremitas secunda inflammari incipit; vasa vaforum lympham coagulabilem effundunt inter tunicas ejus *atque in superficie interiore, tunica ejus internæ*, cujus diametro arteriæ contractione imminutâ, canalis extremitas lymphâ coagulabili brevi impletur, quæ aliquamdiu firmum coagulum fusci coloris exhibet, *tunicæ arteriæ internæ ubique adhærentem: ab hoc coagulo vel lymphæ coagulabili effusa præcipuè* pendet hæmorrhagiæ suppressio permanens. Verum dum hoc intus formatur arteriæ extremitas adhuc magis salvum præstat, mutationibus, quas tunicæ ejus subeunt, telaque cellularis qua circumdatur. Inter has partes effunditur lymphæ coagulabilis, unde crassiores fiunt, et sibi invicem tam intimè admiscuntur, ut inter eas distinguere impossibile evadat. Atque sic non solum arteriæ canalis deletur, verum etiam extremitas ejus omnino aboletur, et lymphæ effu-

effusione cum partibus vicinis commiscetur, quæ, quando vulnus in integumentis primo consilio (quod dicunt,) non sanatur eam cum partibus *subjectis* firmiter connectit, dum stratum lymphæ coagulabilis, (quæ e vulnere citò effunditur, superficiemque ejus format) arteriæ extremitatem tegit, eamque a vulnere externo excludit, quod deinde more solito sanari pergit.

Res eadem ut jam descriptæ in arteriæ portione superiore, observantur quoque accidere in inferiore, i. e. in ea, quæ sanguinem ramorum communicantium ope accipit, si hoc solum excipias, nempe, orificium ejus plerumque magis esse contractum, coagulumque, quod ei externè adhæret, et ab eâ sese extendit multò minus esse, quam id, quod adnectitur orificio extremitatis superioris, vel ea, unde fluit sanguis rectà a corde proveniens.

Ex hac rei illustratione planè constat, hæmorrhagiæ suppressionem non simplicem, vel solum mechanicum processum habendam esse, verùm  
 effec-

effectum e causarum plurium se invicem excipientium opere conjuncto pendentem. Hæ autem causæ breviter redigi possunt, ad arteriæ retractionem et contractionem;—ad coaguli in orificio ejus formationem,—*ad extremitatis ejus inflammationem, et ad soliditatem quam acquirit, vel parietum adhæSIONem, ex effusione lymphæ coagulabilis in canalem ejus,*—inter tunicas,—inque telam cellularem, qua circumdatur. Atque concludere licet, paucis raris exemplis exceptis, in quibus arteriæ divisæ vel laceratæ, valida retractio et contractio hæmorrhagiam omnino prohibet, circuitûs statum languidum operationi *causarum naturalium* quibus reprimitur hæmorrhagia necessariò requiri.

Hæ causæ in *temporarias* et *permanentes* dividi possunt; tres priores causarum supra memoratarum temporarias et reliquæ permanentes constituunt: verùm etiam hæ solum in quoddam tempus observari possunt; propter alias mutationes quas arteria paulatim subit; namque extremitate ejus deletâ impediente quo  
minùs



minùs sanguis ampliùs circuitum ejus per eam peragat,—portio quæ eam inter et primum ramum lateralem jacet, non ampliùs distenta, et ad actionem sollicitata, paulatim contrahitur, donec tandem cavitas ejus omnino deletur, tunicæque ejus condensatæ aspectum ligamentosum induunt. Eodem tempore insignes mutationes ad extremitatem quæ suprâ memoratæ sunt, paulatim decedere pergunt. Coagulum, quod orificio ejus extendebat, quodque hæmorrhagiam primùm represserat; et lymphæ coagulabilis, quæ circa id effusa erat paulatim absorbentur; et texturæ induratæ et cartilaginosa, quam hæ partes hæctenus ostenderant, loco, jam in telam cellularem magis minusve mutantur. Neque hæ sunt omnes mutationes, quas arteria patitur.

Si enim adhuc ferius inspicatur, portio ligamentosa reperitur mutata in statum fibrosum, vel filamentosum, qui distinguendus est a telâ cellulari vicinâ solum fibris ejus majoribus. Atque sic, cavitatis abolitio, quæ ad canalis extremitatem

mitatem inciperat, usque ad primum ramum lateralem progrediens arteriæ abolitione terminatur. Verùm diù antequam arteriæ abolitio sic prorsus perficiatur, multi ramorum lateraliū tam superioris quam inferioris arteriæ portionis magnoperè ampliantur, et inter has truncorum partes separatas, per anastomofin crebram, liberam, facilemque communicationem effecerunt. Parvi rami communicantes, mutationes præcipuas subiisse videntur; non solum pro portione magis ampli sunt, quam rami majores ejusdem cruris, et longè majores quam rami qui iis respondent in crure sano; verùm etiam longiores facti *cursum mirè sinuosum* sequuntur. His ramis communicantibus brevi sanguinis circuitus æquè benè atque validè perfici videtur in membro, cujus arteria præcipua divisa est, ac in eo, in quo arteriæ truncus integer est; quæ res illustrissimi Johannis Hunter affirmationem confirmat: inquit enim, ratione sua dicendi peculiari: “ Vessels have a power  
“ of increase within themselves, both in dia-  
“ meter

“ meter and in length, which is according to  
 “ the necessity whether natural or diseased \*.”

Arteriæ divisæ pars inferior omnesque rami ejus, omnino magnitudine æquant partem trunci ramosque iis respondentes, arteriæ alterius membri quæ nullam divisionem passa erat.

Jàm, ferè ordine qua accidunt, arteriæ divisæ, mutationibus et consecutionibus expositis, usque ad perfectam in membro circuitûs restitutionem; debet earum investigationem; e.g. arteriarum ex parte sectarum vel vulneratarum;—hæmorrhagarum secundariarum;—et ligaturæ applicationis, et effectûs in arteriis; quæ huic processui naturali aut obstant, aut intercedunt, aggredi:—jamjam verò finibus hujusmodi deceptionis violatis, nunc applicationem consecutoriorum practicam, transeundum est mihi; sed in hujus rei indagatione persistam, et cito, quæ suprâ dicta sunt ampliùs confirmare spero, et ad nonnulla

\* Hunter on the blood, &c.

nulla confectaria, comprobata et utilia adipisci,  
 quæ ingratum officium, non sine magno angore  
 animi peractum, tot animalium conficiendi,  
 compensare possint:—interea mihi gratissimum  
 est, confirmationem indubiam notare, quam cla-  
 rissimi Petit, observationibus accuratis, de more  
 quo hæmorrhagia in corpore humano sisti-  
 tur, hæc experimenta præbent:—et dum ei,  
 propter observantiam ejus perspicacem, cum  
 admiratione notationem reddo, *hæmorrhagiæ*  
*suppressionem perfectam, lymphæ coagulabilis effu-*  
*sione, in arteriæ canalem, ob inflammationem*  
*extremitati ejus sectæ supervenientem effici;*  
 quod diu credebam in periculis suprâ nar-  
 ratis, primùm notatum fuisse, mihi perjucun-  
 dum est sentire, quam aptè concordant, horum  
 experimentorum confectaria in animalibus insti-  
 tutorum, cum observationibus iteratis, viri tam  
 probati in corpore humano factis. Et tam, ut  
 nihil de hoc dubii existat, quam ut sententiam  
 suam accuratam atque neglectam optimè ex-  
 ponam; verba sua propria citabo, “Après

“ toutes les observations que j’ ai faites sur la  
“ manière dont s’ arrête l’hemorrhagie, je n’ ai  
“ pu m’ empêcher de considérer *le caillot comme*  
“ *un corps formé de l’assemblage des parties du*  
“ *sang qui sont destinées à la nourriture et à la re-*  
“ *paration de sparties, c’est-a-dire, de cette sub-*  
“ *stance qui s’ epanche dans les playes, et qui les*  
“ *réunit en quatre ou cinq heures, si on a eu*  
“ *soin d’ en rapprocher les bords. Ce qu’il y*  
“ *a de certain, c’est que nous trouvons ce Cail-*  
“ *lot aussi fortement attaché au bord de l’ ou-*  
“ *verture de l’artère que les chairs qui forment*  
“ *les cicatrices, le font aux levres des playes.*  
“ Je ne prétends pas prouver ici que l’ organi-  
“ zation de ce Caillot soit précisément la  
“ même que celle des chairs, qui se régénèrent  
“ dans les playes, et qui forment leur cicatrice ;  
“ mais aussi on auroit bien de la peine à prou-  
“ ver le contraire. Je laisse à part cette discuf-  
“ sion, il suffit d’ etre assuré *que ce caillot, ou*  
“ *cette portion de suc nourricier epaissie, etant*  
“ *une fois intimement unie a l’ouverture au*  
“ *coupure*

“ coupure de l’ artere, non seulement empêche  
“ le sang de fortir pendant la cure de la mala-  
“ die, mais encore qu’elle reste après la guéri-  
“ son, et qu’elle ne diminue que comme les  
“ cicatrices diminuent, je veux dire, a mesure  
“ qu’elles affermissent \*.”

Cel. Gooch quoque ex observationibus in corpore humano factis, eandem rem confirmat ; inquit enim, de hac re, post membri amputationem, differens, “ that the divided vessels then  
“ retracting, collapse and coalesce as far as  
“ their first ramifications, having their mouths  
“ soon sealed up with flesh, growing from the  
“ nutritious vessels ; which work of nature is  
“ pretty evident upon the stump †.”

Ilæc

\* Mémoires de l’ Académie Royale de Sciences de l’  
année 1735, 8vo. p. 598-9.

† Gooch’s Cases and Practical Remarks in Surgery,  
Vol. II. p. 352.



Hæc testimonia, quæ hujus processûs in corpore humano et in animalibus similitudinem arctam evincunt, ab omni crudelitatis vituperatione hæc experimenta defendant, et rem amplius investigare incitant.















